



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Origines Benedictinae, Siue Illvstrivm Coenobiorvm Ord.  
S. Benedicti, Nigrorvm Monachorvm, Per Italiam,  
Hispaniam, Galliam, Germaniam, Poloniam, Belgium,  
Britanniam, aliasque Prouincias. Exordia Ac ...**

**Le Mire, Aubert**

**Coloniae Agrippinae, 1614**

Capvt. XXXIII. Epternacense S. Vuillibrordi monasterium, in Ducatu  
Luceburgensi, tertio à Treueris milliari.

**urn:nbn:de:hbz:466:1-11261**



*Cella monachorum, hodie Ethonis monasterium.*

700.

**I**D situm est ad Nigram siluam prope Kentzingum, non procul à Rheno, fundatum, que anno circiter Christi 700. à *Vigero* vel *Vvingerno* monacho, postea Argentinensi Episcopo Anno 734. renouatum est auctumque ab *Ethone* Comite Haspurgico, qui eiusdem loci primus Abbas fuit, ac demum Argentinensis Episcopus: à quo Ethonis monasterium hodieque dicitur: vnde & versus isti nati.

*Anno ter deno septingentesimo quarto, Antistes claustrum renouando condidit Etho.*

## CAPVT. XXXIII.

## EPTERNACENSE

*S. Vuillibrordi monasterium, in Ducatu Luceburgensi, tertio à Treueris milliari.*

**E**Pternacum apud Leucos ( à quibus Luceburgenses, seu Leuceburgenses nomen traxisse videntur ) vetustum est opidum, quod originem ac florem suum debet illustri huic cœnobio per B. V Villibrordum, Batauorum ac Frisorum Apostolum, à fundamentis excitato. Porro Epternacensis agri medietatem vnam

Pipi-



Pipinus Herstallius, Dux Francorum & Major domus regiae, eiusque coniux Blittrudis, Hugoberti filia, B. Villibrordo dono dederunt. Alteram verò medietatē, ab Irmina Abbaiſſa Dagoberti Galliae Regis filia ( quae adiut ante patre, virginum apud Treueros monasterium, quod Horreum nuncupant, fundauit ) idem vir sanctus impetrauit, eoq; loci insigne monasterium in honorem SS. Trinitatis, S. Ioannis Baptista, & SS. Apostolorum Petri & Paulli exaedificauit. Harum rerum testem idoneum habeo Theofridum Abbatem Epternacensem in historia vita S. Villibrordi, quae Epternaci & apud nos exstat manuscripta: Dux, inquit, excellentissimae generositatis Pipinus, cum Blittrude conthorali sua, æque generosis orta natalibus, tertio Idus Maij, anno duodecimo Childeberti gloriosissimi Regis, dedit B. Villibrordo Epternacensis fisci medietatem integram, à Theodardo egregij Ducis Theotharij filio sibi traditam. Irmina verò, Dagoberti Regis filia, hereditario iure, possessam, cum omnibus appenditijs, & adiacentijs suis, cum villa montis sita in pago Tulbiacensi, in Kalendis Decembris addidit partem alteram, Idem munificus Princeps, sub chirographi conscriptione, anno quarto Regis Dagoberti, sexto Nonas Martij, tradidit illi villam in pago Mosariorum sitam, & à præterfluētis fluuij nomine Suestram nuncupatam, & egregiæ Blittrudis sagaci industria ab ingenuis viris pecuniæ



An. 1110.

impendijs comparatam. Et quia vtriusque loci situs tam sapienti architecto visus est amœnus, & cœnobialis vitæ studijs apprime aptus & dignus, in vtroque iactis fundamentis exædificauit cœnodium, & in montibus Israël, in pascuis vberrimis pascendum aggregauit gregem dominicum. *Hactenus Theofridus, qui anno millesimo centesimo decimo obiit.*

An. 739.

*Beatus autem VVillibrordus anno Christi septingentesimo tricesimo nono in Domino obdormiuit, cuius sacrum corpus Epternacensi in monasterio conditum, hodieq; miraculis plurimis claret.*

An. 775.

*Quo quidem defuncto, Albertus, eius discipulus monasterij regimen suscepit, præfuitque annis 37. & obiit an. septingentesimo septuagesimo quinto, tēporibus Caroli Magni Imperatoris.*

*Huic à Carolo Magno in Abbatiali dignitate suffectus est Beonradus, Senonensis quondam Episcopus, cui historiam vitæ S. VVillibrordi, versibus comprehensam, Alcuinus inscripsit.*

*De ceteris huius monasterij Abbatibus, alijsq; eòdem spectantibus. plura qui volet, R.V. Ioannis Bertelij, Abbatis Epternacensis, amici nostri, Historiam Luceburgensem legat; quem virum alioqui eruditum, miror non Pipino Herstallio, sed eius demùm filio Carolo Martello, monasterij huius exordia adscribere.*

Fuit



Fuit hoc monasterium olim à Canonicis in-  
fessum, quibus ob liberio rem vitam amotis Ra-  
uengerus Abbas, cum quadraginta monachis  
Benedictinis successit. Is annis triginta tribus  
in præfectura exactis, obiit anno millesimo se- An. 1007.  
ptimo.

## CAPVT XXXIV.

*Campidona seu Campidonense monasterium.*

**S**itum est hoc monasterium in Rhetia,  
extra urbem Imperialem eiusdem nomi-  
nis, fundatumque anno Christi 777. ab  
Hildegarde, Caroli Magni Imperatoris con- 777.  
iuge. Donatum est libertatibus maximis ab  
Adriano Pontifice Maximo, à quo & conse-  
cratum est ac dedicatum, cum is Imperatri-  
cem ex Italia in Germaniam secutus esset.

Ceterum Abbas Campidonensis, præter  
iurisdictionem sacram, habet & ius gladij:  
vnde versus natus, quem Abbas ac Princeps  
loci huius, cum Herbipolensi Episcopo, ferè  
communem habet;

*Campidona sola, iudicat ense, Stola.*

In hoc monasterio à se fundato, quiescit S.  
Hildegardis Caroli Magni coniux, Ducissa  
Sueviæ & Bauariæ multisque claret miracu-  
lis vt tradit Ioannes Pistorius Præpositus  
Vratislaniensis, in chronico suo Constanti-  
ensi edito cum Magno chronico Belgi-  
co, anno 1607. Franco-  
furti.

CAP.